



Na osnovu člana 80. Zakona o srednjem obrazovanju ("Službeni glasnik Unsko-sanskog kantona", broj. 29/25) i člana 6. Pravilnika za upis učenika u srednju školu u Unsko-sanskom kantonu broj: 10-02-6743-1/26 od 20. 5. 2026. godine, ministar Ministarstva obrazovanja, nauke, kulture i sporta Unsko-sanskog kantona donosi

ODLUKU

o ponovnom konkursu za upis učenika u prvi (I) razred srednjih škola za školsku 2026/27. godinu na području Unsko-sanskog kantona

I

Odobrava se Plan ponovnog upisa učenika u prvi (I) razred srednjih škola za školsku 2026/27. godinu na području Unsko-sanskog kantona, koji je sastavni dio ove Odluke.

II

Na osnovu ove Odluke, Ministarstvo obrazovanja, nauke, kulture i sporta Unsko-sanskog kantona objavit će Ponovni konkurs za upis učenika u prvi (I) razred srednjih škola za školsku 2026/27. godinu.

III

Odluka stupa na snagu danom donošenja.

MINISTAR
Alen Zulić, prof.

Broj: 10-34-7270-3/26
Bihać, 12. 8. 2026. godine



Broj: 10-34-7270-4/26
Bihać, 12. 8. 2026. godine

Na osnovu člana 80. Zakona o srednjem obrazovanju ("Službeni glasnik Unsko-sanskog kantona", broj. 29/25), Pravilnika za upis učenika u srednju školu u Unsko-sanskom kantonu broj: 10-02-6743-1/26 od 20. 5. 2026. godine i Odluke ministra obrazovanja, nauke, kulture i sporta broj 10-34-7270-3/26 od 12. 8. 2026. godine, Ministarstvo obrazovanja, nauke, kulture i sporta Unsko-sanskog kantona o b j a v l j u j e

PONOVNI KONKURS
za upis učenika u prvi (I) razred srednjih škola za školsku 2026/27. godinu na području
Unsko-sanskog kantona

- (1) Konkurs za upis u prvi (I) razred srednjih škola otvoren je 8 dana počevši od 14. 8. 2026. godine.
- (2) U prvi razred srednje škole upisuju se učenici koji su završili osnovno obrazovanje, a unutar planiranoga broja upisnih mjesta.

OPĆE ODREDBE

- (1) Pravo upisa u prvi razred srednje škole imaju kandidati koji pored ostalih uvjeta iz Pravilnika za upis učenika u srednju školu u Unsko-sanskom kantonu (u daljnjem tekstu: Pravilnik) ispunjavaju uvjet da do kraja tekuće godine ne navršavaju 18 godina života.
- (2) U prvi razred srednje škole za djecu sa teškoćama u razvoju, odnosno posebna odjeljenja srednje škole i u redovna odjeljenja, pravo upisa imaju učenici koji do kraja tekuće godine ne navršavaju 22 godine života.
- (3) U prvi razred srednjih škola učenici se upisuju u skladu sa planom upisa učenika koji odlukom odobrava ministara Ministarstva obrazovanja, nauke, kulture i sporta (u daljnjem tekstu ministar).
- (4) Pravo upisa u prvi razred srednje škole imaju učenici koji se nalaze na rang listi primljenih učenika škole.
- (5) Učenici državljani Bosne i Hercegovine koji su završili osnovnu školu u Bosni i Hercegovini i izvan Kantona upisuju se pod istim uvjetima kao i učenici s područja Kantona.
- (6) Pod jednakim uvjetima u srednje škole upisuju se državljani Bosne i Hercegovine, te djeca koja nisu državljani Bosne i Hercegovine.
- (7) Izbor učenika vrši se na osnovu kriterija za upis učenika u prvi razred srednje škole koji su sastavni dio konkursa za upis učenika/ca u prvi razred srednjih škola.

POSTUPAK PRIJAVE

- (1) U postupku prijave za upis kandidat prilaže:
 - a) prijavu na konkurs (obrazac prijave objavljuje se na web stranicama Ministarstva i Vlade Unsko-sanskog kantona ili škole)
 - b) svjedodžbe posljednja dva razreda osnovnoga obrazovanja
 - c) odgovarajuće dokumente kojima dokazuje neko od prava koje ima na osnovu odredbi Pravilnika
- (2) U postupku prijavljivanja za upis, uz prijavu na konkurs, učenik može priložiti i kopije dokumenata, osim svjedodžbi koje se predaju u originalu.
- (3) Prijava na konkurs i upisnica oslobođene su plaćanja taksi.
- (4) Škola je dužna na oglasnoj ploči i na web stranicama škole (prema mogućnostima) objaviti sve bitne informacije o upisu u srednju školu.
- (5) Kandidat koji se prijavljuje za upis u srednju školu s više zanimanja/programa obrazovanja u prijavu obavezno prijavljuje prvi/prvo zanimanje/ program obrazovanja u koji se želi upisati, te drugi/drugo i treći/treće zanimanje/program obrazovanja u koji se želi upisati, a ukoliko mu škola ne može osigurati upis u prvi/prvo zanimanje/ program obrazovanja.
- (6) Ako se ne može uvažiti želja učenika za prvi izbor zanimanja/programa, učeniku će se ponuditi upis u zanimanje/program za koji se alternativno prijavio u postupku upisa.
- (7) Upis učenika provodi posebna komisija koju imenuje Školski odbor škole.
- (8) Rang listu svih učenika i spisak primljenih učenika, škole su dužne objaviti na oglasnoj ploči nakon što je verificira Školski odbor škole, najkasnije sedam dana od dana zatvaranja konkursa.

KRITERIJI ZA UPIS

- (1) Za upis u prvi razred srednje škole prijavljenim učenicima vrednuju se i boduju:
 - a) postignuti opći uspjeh u prethodnom obrazovanju u posljednja dva razreda osnovnoga obrazovanja, izražen na dvije decimale za svaki razred posebno,
 - b) za upis u gimnazijske programe vrednuje se postignuti uspjeh u posljednja dva razreda osnovnoga obrazovanja iz bosanskog/hrvatskog/srpskog jezika i književnosti, matematike i stranoga jezika, hemije/biologija i historije/geografija, predmeti koji su povoljniji za učenika,
 - c) za upis u programe obrazovanja za stjecanje stručne kvalifikacije u trajanju od četiri godine i programe obrazovanja za stjecanje stručne kvalifikacije u trajanju od tri godine, vrednuje se postignuti uspjeh u posljednja dva razreda osnovnoga obrazovanja iz nastavnih predmeta navedenih u tabeli ispod:

Vrsta škole	Predmeti koji se vrednuju				
	Bosanski/ Hrvatski/ Srpski jezik i književnost	Strani jezik	Matematika	Historija	Informatika
Ekonomska	Bosanski/ Hrvatski/ Srpski jezik i književnost	Strani jezik	Matematika	Fizika	Informatika
Elektrotehnička	Bosanski/ Hrvatski/ Srpski jezik i književnost	Strani jezik	Matematika	Fizika	Informatika
Mašinska	Bosanski/ Hrvatski/ Srpski jezik i književnost	Strani jezik	Matematika	Fizika	Informatika
Medicinska	Bosanski/ Hrvatski/ Srpski jezik i književnost	Strani jezik	Matematika	Hemija	Biologija

Saobraćajna	Bosanski/ Hrvatski/ Srpski jezik i književnost	Strani jezik	Matematika	Fizika	Informatika
Građevinska	Bosanski/ Hrvatski/ Srpski jezik i književnost	Strani jezik	Matematika	Fizika	Tehnički odgoj
Hemijsko - tehnološka	Bosanski/ Hrvatski/ Srpski jezik i književnost	Strani jezik	Matematika	Fizika	Hemija
Poljoprivredno- prehrambena	Bosanski/ Hrvatski/ Srpski jezik i književnost	Strani jezik	Matematika	Hemija	Biologija
Građevinska	Bosanski/ Hrvatski/ Srpski jezik i književnost	Strani jezik	Matematika	Fizika	Tehnički odgoj
Ugostiteljsko- turistička	Bosanski/ Hrvatski/ Srpski jezik i književnost	Strani jezik	Matematika	Geografija	Informatika
Drvoprerađivačka	Bosanski/ Hrvatski/ Srpski jezik i književnost	Strani jezik	Matematika	Fizika	Tehnički odgoj
Šumarska	Bosanski/ Hrvatski/ Srpski jezik i književnost	Strani jezik	Matematika	Hemija	Biologija
Tekstilna	Bosanski/ Hrvatski/ Srpski jezik i književnost	Strani jezik	Matematika	Fizika	Hemija
Veterinarska	Bosanski/ Hrvatski/ Srpski jezik i književnost	Strani jezik	Matematika	Hemija	Biologija
Trgovačka	Bosanski/ Hrvatski/ Srpski jezik i književnost	Strani jezik	Matematika	Historija	Informatika
Uslužne djelatnosti Ostala zanimanja	Bosanski/ Hrvatski/ Srpski jezik i književnost	Strani jezik	Matematika	Hemija	Likovna kultura

- d) U programe likovne ili muzičke umjetnosti upisuju se učenici koji ostvare najmanje 30 bodova iz općega uspjeha u posljednja dva razreda osnovnoga obrazovanja i ocjena iz bosanskog/hrvatskog/srpskog jezika i književnosti, matematike, stranog jezika, likovne i muzičke kulture i provjerom dokazane darovitosti. Umjetničke (likovne, muzičke) škole mogu provesti provjeru darovitosti zainteresiranih učenika, koji još nisu završili završni razred osnovnog obrazovanja.
- e) Provjeru darovitosti škola je dužna javno oglasiti i navesti rokove i mjesto ispitivanja na način da budu dostupni svim zainteresiranim učenicima.
- f) Ocjena "primjerno" iz vladanja u posljednja dva razreda osnovnoga obrazovanja učeniku se vrednuje s ukupno 1 bodom.
- (2) Vrednovanje uspjeha učenika koji su osnovno obrazovanje završili u inozemstvu, provest će komisija primjenjujući elemente vrednovanja iz stava (1) ovog člana.
- (3) U slučaju da učeniku iz stava (2) ovog člana u svjedodžbama/knjižici za posljednje dvije godine osnovnoga obrazovanja nije upisana ocjena iz nekoga od predmeta koji je značajan za

upis, za utvrđivanje broja bodova iz toga predmeta koristi se prosječna ocjena općeg uspjeha u posljednja dva razreda osnovnoga obrazovanja.

- (4) Učeniku koji je u osnovnoj školi učio dva ili više stranih jezika, vrednuje se bolja ocjena iz stranoga jezika.
- (5) Ako su dva ili više učenika, po svim osnovama vrednovanja, ostvarila jednak broj bodova, odluku o prednosti pri upisu učenika donosi komisija škole, na osnovu prosjeka općeg uspjeha posljednja dva razreda osnovnoga obrazovanja izraženih na dvije decimale, o čemu se izrađuje zapisnik.
- (6) Pravo direktnog upisa imaju učenici sportaši na osnovu kriterija koji ostvare minimalni bodovni prag za upis u gimnazije, odnosno druge vrste srednjih škola, te prilože potvrdu odgovarajućeg sportskog saveza o sportskomu postignuću na državnom nivou.
- (7) Učenici s teškoćama u razvoju imaju pravo direktnog upisa u srednju školu.
- (8) Učeniku koji je pripadnik romske nacionalne manjine, a živi u uvjetima koji su mogli utjecati na njegov uspjeh u osnovnoj školi, dodaju se 2 boda na broj bodova koji je utvrđen tokom postupka vrednovanja. Učenik ima pravo prijave pod uvjetom da je ostvario najmanje broj bodova kao bodovni prag, te ukoliko zadovolji na ispitu sposobnosti i darovitosti u školama u kojima je to uvjet za upis.
- (9) Ukoliko je za upis u određenu stručnu kvalifikaciju prijavljeno 80% ili više pripadnika istog spola, učeniku suprotnoga spola dodaju se 2 boda na broj bodova koji je utvrđen tokom postupka vrednovanja.
- (10) Djeca osoba koja ostvaruju prava iz Zakona o dopunskim pravima branilaca i članova njihovih porodica Unsko-sanskog kantona i djeca na koju se odnosi Zakon o socijalnoj zaštiti, zaštiti civilnih žrtava rata i zaštiti porodica sa djecom Unsko-sanskog kantona pod jednakim uvjetima imaju prednost prilikom upisa. Za ostvarivanje ovih prava učenik je, uz prijavicu za upis, dužan priložiti odgovarajuće rješenje nadležnog organa.

VREDNOVANJE POSEBNIH REZULTATA U PRETHODNOM OBRAZOVANJU I REZULTATA POSTIGNUTIH NA TAKMIČENJIMA ZNANJA I VJEŠTINA, SPORTSKIM TAKMIČENJIMA I OSTVARENI OSTALI REZULTATI

- (1) Učenici generacije upisuju se bez bodovanja osim upisa u umjetničku školu.
- (2) Učenicima se vrednuju i ostali iznimni rezultati iz prethodnoga obrazovanja, ukoliko su istovremeno završili osnovnu školu i osnovnu muzičku školu s 2 dodatna boda za upis u bilo koji od obrazovnih programa, a pravo na dodatne bodove učenik dokazuje razrednim svjedodžbama muzičke škole.
- (3) Učenici koji su sve razrede osnovne škole završili prosječnom ocjenom 5,0 dobivaju 10 bodova, a dokaz je uvjerenje škole o prosječnoj ocjeni.
- (4) Pravo na dodatne bodove ostvaruju učenici na osnovu rezultata koje su postigli na takmičenjima iz predmeta posebno značajnih za upis, u posljednja dva razreda osnovnog obrazovanja koje organizira Pedagoški zavod, te rezultata međunarodnih takmičenja, i to:

VRSTA TAKMIČENJA	OPIS	BROJ BODOVA
Državna ili federalna ili međunarodna takmičenja	Osvojeno prvo mjesto kao pojedinci ili članovi grupe	4
	Osvojeno drugo mjesto kao pojedinci ili članovi grupe	3
	Osvojeno treće mjesto kao pojedinci ili članovi grupe	2

Kantonalna takmičenja	Osvojeno prvo mjesto kao pojedinci ili članovi grupe	1
	Osvojeno drugo mjesto kao pojedinci ili članovi grupe	0,5
	Osvojeno treće mjesto kao pojedinci ili članovi grupe	0,3
Takmičenja iz likovne kulture (u školama u kojima je likovna kultura jedan od predmeta i elemenata posebno važnih za upis)	Osvojeno prvo mjesto na državnomu takmičenju ili kao najbolji likovni rad na kantonalnoj izložbi	1
	Osvojeno drugo mjesto na državnomu takmičenju ili kao najbolji likovni rad na kantonalnoj izložbi	0,5
	Osvojeno treće mjesto na državnomu takmičenju ili kao najbolji likovni rad na kantonalnoj izložbi	0,3

- (4) Dokaz o ostvarenomu rezultatu na međunarodnomu takmičenju izdaje organizator tog takmičenja. Uvjerenje ili diplomu o ostvarenomu rezultatu na kantonalnom takmičenju, u kojima su, uz podatke o takmičenju i vrsti takmičenja, navedeni i podaci o osvojenomu mjestu na takmičenju pojedinaca ili grupa s navedenim brojem članova grupe izdaje Pedagoški zavod.
- (5) Učenicima se vrednuju rezultati koje su postigli u posljednja dva razreda osnovnog obrazovanja na sportskim takmičenjima koja je organizirao Pedagoški zavod i Sportski savez, a pravo na dodatne bodove dokazuju odgovarajućim uvjerenjem na način:

VRSTA TAKMIČENJA	OPIS	BROJ BODOVA
Državna ili federalna ili međunarodna takmičenja	Osvojeno prvo mjesto kao pojedinci ili članovi grupe	4
	Osvojeno drugo mjesto kao pojedinci ili članovi grupe	3
	Osvojeno treće mjesto kao pojedinci ili članovi grupe	2
Kantonalna takmičenja	Osvojeno prvo mjesto kao pojedinci ili članovi grupe	1
	Osvojeno drugo mjesto kao pojedinci ili članovi grupe	0,5
	Osvojeno treće mjesto kao pojedinci ili članovi grupe	0,3

- (6) Za sportska takmičenja koja nisu u stavu (5) ovog člana, dokaz za ostvarivanje dodatnih bodova za osvojeno prvo, drugo i treće mjesto na međunarodnom, državnom i kantonalnom takmičenju je potvrda organizatora takmičenja.
- (7) Učeniku koji je učestvovao na više takmičenja iz više područja, vrsta ili nivoa vrednuje se samo jedan (najpovoljniji) rezultat.

UTVRĐIVANJE UKUPNOGA REZULTATA I MINIMALNI BODOVNI PRAG

- (1) Ukupan rezultat učenika utvrđuje se na osnovu broja bodova koje je učenik stekao po svim osnovama vrednovanja.
- (2) Na osnovu ukupnoga rezultata škola utvrđuje rang listu učenika za upis i objavljuje je na školskoj oglasnoj ploči i na web stranicama škole.
- (3) Rang lista mora sadržavati broj bodova po svim osnovama vrednovanja.
- (4) Kandidati imaju pravo žalbe Školskom odboru.
- (5) Školski odbor je dužan dostaviti žalbu na mišljenje Ministarstvu.
- (6) Mišljenje Ministarstva je obavezujuće.
- (7) Po dobivenom mišljenju Ministarstva, Školski odbor donosi konačnu odluku.
- (8) Minimalni broj bodova za upis u škole koje izvode programe obrazovanja u četverogodišnjemu trajanju, ne može biti manji od:
 - a) 40 boda za upis u gimnazije
 - b) 36 bodova za upis u četverogodišnje srednje škole koje provode programe obrazovanja za porodice zanimanja: zdravstvo, ekonomija, pravo, administracija i trgovina
 - c) 32 boda za upis u ostale programe obrazovanja u trajanju od četiri godine
- (9) Za programe obrazovanja za stjecanje stručne kvalifikacije i programe obrazovanja za vezane obrte u trajanju od tri godine, te pomoćna zanimanja, ne utvrđuje se minimalni broj bodova koji su potrebni za upis.

